

白
華
前
稿

白華前稿卷第五十四

南滙 吳省欽 冲之

古今體詩朝 天集一

朝天嶺爲蜀棧首險自京來者多下峽以達昭化
其入京則必循嶺劍外官人心焉宿戒實未及牛
頭關之陡峻也自候代迄還 朝歲籥已改又踰
年而侍班出塞校文赴浙竝係以入楚以前所作
寥寥無幾能解免於不暇唱渭城之誚耶

李又川中丞演易圖

易理觀生生化機妙轉轂涼風扇崇柯萬象入蒼肅我

公益如春元氣蘊心腹將以威厲形享此和平福有懷
周與孔獨往寄空谷得意會禽魚忘言憺樵牧體同先
後參德悟方圓誓消長在陰陽補救願斯足側聞先正
言言易數西蜀醬翁往不回篋叟去難復惟餘鹿洞流
居玩衍續續喪志吾待懲寡過公早勗應笑冢中談嗒
然據槁木

送內升發同慶閣

棧程擾攘峽程便草草辭家十五年文武連科公事了
合離隨遇遠懷偏齎裝定較來時重疾痛長期去後獨
總爲

聖恩似山嶽沿江小竊避差

楚皆切船

沈縣風雨過題糕幾片青楓報落艚開泊要憑三老問
行藏緩論一身遭門生替代人相賀劉侍御錫
暖來代地主周
旋我尚豪商約明年瓜蔓水張家灣口訊輕船

張秀才

能厚小園

市南垂禮殿幾度奉香來盡切

即忍

說鄰園好徒催俗駕

回門虛隨客款山假仗人堆點綴非容易多時運賦才
薜荔何年種丹青照一牆平池先架閣陸地忽成梁楮
老全腔壞梅枯密蕊藏一觴一棊局不礙讀書堂
半畝儒宮地分明畫不成瓶花千百種籬鳥兩三聲水
木重趼到雲烟四面生縱然邱壑小應占辟疆名

野望

竹護莊窠權護田入冬雨過綠涼阡胡琴版按秦聲雜
蠻布簫分蜀錦鮮谿口橫梁三級上樹身束藁一輪圓
銷兵氣象逢人問祇怪邛童抱犢眠

長至前三日榕巢觀察厚之刺史喬梓招同林
西厓陳東浦德潤圃王審淵楊笠湖張堯莊
徐牧也李南池湖晴軒姚秋塘集餞升庵審
淵作圖題以留別

江關懷結宅雲物迂書辰車馬逢迎慣圖書晚晚親敬
教音管過笑遣酒杯巡說餅吾猶取嘲梨主勿囑松枰

斜賭奕樵箭正開鉤井牧多名宦江湖有散人興高吟
脫幘夢遠話收緡短晝看偏永狂言聽倍真懽蹤纔蹶
宕別緒忽呶顰五載叨持節三年見服袴抗糧虞子佩
別字憫儒紳陸記寧從猛瀾回稍化淳羣公嘗諒我幾
日定抽身祖帳誠非分朋簪亦可因揚雲居近陋王宰
畫通神掌故留緡取消寒送使臣

將發成都錄別三首

作室資棟梁室成需藻績作藝用鹽梅得水味斯濟我
朝文運昌經術炳斗代末材起海陬曲謹守庭誨偶竊
詞賦名所得亦已碎五年視蜀學詎免涉尤悔矧逢

天討中芻蕘責境內太義苟不明率迪義安在羣公濟
濟來半爲核要會境殊理則同請問輒相對論古審經
權因時懷進退所感不鄙夷在道不在位

於位師已尊所患先自賤殷勤上下交貴可令人見自
我來蜀時館師淚交泣謂我屈還朝未必再覲而使臣
辱命議於子或幾免及之而後難履之而後變緼袍介
狐貉往往色斯報士苟自守貞何卹衆言論下堂知駸
明不知復何慙立此功德言隨分可交勉責人毋太難
或仰或時俛感激知已言寢門目空斷
癸巳過除詣別
劉文正公謂曰
子歸我恐不及待子去我
知子之不辱已遂成訣語

讀書貴敦品品立還讀書賢者見其大不賢識其餘文
翁遣受經蜀學由此殊哉我明倫堂後接諸生居風雨
苟不蔽奚論經苗畝我今屆受代此念良區區殷勤告
當路見聽如入虛堂修尚以易行修或以疎所期本六
經文質登璠璣始基自小學祇此形聲粗立身在大成
祇此忠孝譽將去告多士斯言庶善夫

梓潼寄和竹軒少宰贈行元韻

白狼添味到金川轉粟勞臣直上天六載蓉城三返駕
卻將領簿替籌邊

太行回首白雲橫不上山公啓事名看取錦江春色轉

登仙何必異班生

彩管烏絲細細論相師一字抵瑯璠最憐山館圍爐煖
照盡離心過益門

一尊潦倒醉遲遲張亞祠邊劇繫思檢取瑤華冠羣玉
升庵前夜擘牋時

贈詩錄於審淵畫冊之首

偕孫占堂步出雞頭關

四肩肩一與遇險力九困作氣藉緯夫蛇足費登頓是
關高障天碎磧塢粗全雞象占巽爲變而取諸艮小雞
連大雞欲上不能寸孫郎奮臂呼超距若行遜相從帳
下兒一瞥憩邨閨偷安復畏難何日了宏願毅然學急

跳那惜露雙髻隔掌臥眠蟠圍服引沮漢上下亭短長
捉成致揚讚言昔征蠻軍羽林偉腹幹柳往與雪來徒
步習勞戰官今去朝天焉卹役夫賤我意本避危客情
必趨便畧話宋元時鏖兵滿雲棧

重宿南星畫松爲紙糊飾不復見

南星山店是南新雙管平分五粒春壞壁重摩挲不見
祇疑昨化老龍身

十三科匠潢重重似惱黃塵壁上蒙幸我舊題詩未寫
知無人作碧紗籠

著雍閭茂

元日習庵似撰邀入崇教寺秋帆中丞亦至
紺碧熒煌湧法門朝正時候過西原地連紫氣三千里
人對銀毫五百尊白馬馱經懸石匣朱櫻勅宴罷金樽
弟兄細話關河影引得元戎接座溫

題秋帆中丞靈巖讀書圖卷

頃我來長安得購石經本昏燈照眊眼春筍束幾捆雖
非鴻都舊猶勝蜀蹟泯以之紆吏治如繩直生準致君
先讀律斯語笑且蹶不見中丞公百二率僚尹爲民禱
甘澤華頂導秋隼蠅螾奉神令二麥獲收攜鄭國渠載
治華嶽廟重建餘事考三唐匣經教宏闡其他介兌方

櫻桃宴所衍修治垂七年萬象照龍轡要我一周遊令
我起慙懣湖我使西川補綴力疎謫稍愜周公殿莫購
逢吉版雖則時地然實由讀書漢中祕思漢京舊鄉懷
吳苑靈艤瀕具區七二峯婉婉秋有菱華蕩冬有梅花
阪樵兄結漁弟共逐笛聲反當公起精舍曉夜對青簡
一朝登狀頭東觀事排纂仕學力互優中外任非緩觀
公妙措施書味信充滿他時作宰相樹立難謨典非誇
少董藏忽夢館娃遠

夜抵蒲州宿費同年淳郡齋蘇獻之先在將入

華山

天險潼關壯臨河頌鐵牛銀燈人影亂書寢酒香浮跌
宕同年面沿洄古渡頭華陰風日美不作墮驢憂

上元雪後抵介休宿呂頌亭公滋縣廨

茸裘絮帽促歸鞭地主門生勸少延表裏河山真錦繡
合離情分倍纏綿爲交春序微沾雪豈信風光果禁烟
家集分明勞指點月燈毬裏試分編

良鄉題壁

券驢四十八程外顧兔六十一回前八度金臺驛還往
棘門葭席使星懸

西暖閣述覲恭紀

卸裝時節近中和黃帕呈名嚙關摩帝語如春先

問弟臣心似水不遑他蠻陬軍實持籌久邊地人才握

槩多五度瞻天逾五載講筵歸趁佩鳴珂

玉峯六老圖爲澱湖封公題

澱湖主人今年開九秩當七十八有會聯玉峯其年乙

未月四日初六櫻桃紅綻筍豆蒸香濃草堂枕山下帶

古婁水少年裘展輕薄投無從昂精化爲五老悄窺座

素髮垂領朱履拖青筇主人降階禮客視鄉飲屏卻揖

拜苛法便疎慵或攜古琴或捉內史扇或展長卷或撫

淵明松或忘形槁坐若據梧子與主而六一一情雍容

六人坐中主人齒尤長於鳥爲鶴於馬爲蒼龍不仗七
尺台藤扶脚輒不藉一杯社酒治耳聾樂天香山賦詩
徵故事伯時西園入畫留歡惛詩成畫成至今歲三改
相對矍鑠往往尋遊蹤元時阿瑛縱然稱好事如被括
柏壓倒桃李襪其鄉先進歿可祭於社亭林等身著作
儒家宗是父之師是子曰私淑經訓而外詩筆堅難攻
省門五謁不利有司試積書積德物望尊珪琮家無貲
贏斥去述祖德不見百尺橋跨江吳淞諸郎掇第諸孫
習佔畢爲善必報用是俅褻封衣冠盛族遭際太平世
此會毋小元氣覘陶鎔不知其人讀其自爲序想象五

賓一主交于唱再後廿年此會獲再舉援狄盧例末座
收吳儂

戴蕨塘晴川曉渡圖

漢南新漲綠於醅草色萋迷樹色開
想象大羅天上伴
一帆如鶴過江來

岸芷汀籬隔桂林烟波無際遠游心
數聲鐵笛梅花老
不見雲山欸乃音

萬里魚龍引使星朝宗二水我頻經
多君又作劉郎
侶唱出題襟滿座聽

三載岷嶓翠撲衣年來思息漢陰機
無端攬卷添振觸

孤負江潭好釣磯

雪壇體成翌日聞弟省蘭准與殿試之 命恭紀

飛騎聯翩小錄刊南宮名紙上 齋壇太平豈待吁嗟

應大比方知進取難失第情懷如中酒守官職業尚加

餐 至尊雅識凌雲于目斷雲霄一羽翰

辟廂十鼓費摩挲迴避三科落四科上考再書溫卷少

高文兩獻 賞心多 省蘭先以九姓土司箴及代大學士程景伊平金川頌受

知命侯會試 後素名 名邀特奏看逾重勝待重填聽未訛倒數

阿兄前 賜舉感 恩長自淚滂沱

送毛佩芳 紹蘭 還遂安

百年前制科三毛冠兩浙鶴舫雖被遺遺文炫高揭非
徒循吏推庶見諸孫列三紅所抱環出處判縣絕會有
牽連親絮詠在閩闕天壤有王郎毋乃競饒舌京師萬
人海我乍返西轍照蠹我亦然跨驢客不絕於時試明
經一紀科一設適來數卷詩辛苦肱幾折樸學謝鉛華
清思皎冰雪每於才調中刻意露疎拙鐘聲忽左高王
采若中裂咀含經再四甘津僅可啜是由杜理精豈止
黃派別倘令籍儒官風雅藉提挈而何與目嘲遽作抗
手訣得失事皆偶聚散心易結桐君山邇透嚴子瀨恰
渠放船自通路牖版已全撤還家對秋月秋士免羈子

更爲唱和篇示我我能說

重至教習庶常館

前堂後堂奉宜聖畫象

御書芸館培英

玉殿親閱選俊班六年芸館曠躋扳論師偏媿逾涯分

造士先求痛改刪應制篇章輝北斗嚮心車服重東山

縱然不比襪桃李五度分書許抗顏

丙巳辛壬四科子由編讀奏充今科

院長破例上請遇課輒屬痛改

那能溫故那知新大小題評月再巡四庫編排吾已過

一堂講肄客彌親東西占廡居游便南北殊資利鈍均

重向麟臺增故事弟兄舉進自

楓宸

大教習小教習月各一課

趙上舍深柳書堂圖

柳外桃花竹外人
綠莎翦翦輭鋪茵
年來懶結娶春侶
祇有叢編照眼新

池塘新水熨輕羅
信手編排信口哦
底向長安作西笑
子亭閑殺舊鷗波

送楊才叔試令甘肅請急歸無錫竝懷笠湖晴

沙

文者道之藪學者仕之鏡
讀書欠十年安可漫爲政
我昨交響泉矯健出天性
四年秉蜀臬失出沸廷平
遂從鑄級論暫事拂衣請立碑
走師儒板轅臥孺腰歷裝數
卷詩真箇稟先正湛然明且清

禮緇衣昔我有先
正其言明且清
鄙人

手釐訂筮湖美軟羣樂府追大晟一生忠孝心幾曲和
平聽經義尤紛綸挾別了無賸癖傳中膏肓研易點晶
瑩當其刺邛州我亦枉投贈固已慕龔黃而況宗服鄭
於子爲父行豈曰非家慶響泉嘗語予有甥少妍靚弱
年慘孤露誰與達名姓蕭梁殿一篇甲午夏間於響泉
臬署見才叔所作
無梁冊鉤采飛映欲修五樓居詎勒偏師勁時體盈川
同騷情左徒竝未見飢怒如倒屣忽相迎煌煌拔萃科
求仕稱捷徑坐惜館閣才折腰去爲令西陲接西夏駱
驛馱鈴應十年五畝荒粿麥付炊餽捐饋旣劇煩偏強
或誦病不見華省郎唾手覲藩屏不見廣文師揮手謝

滓滓而我不調然星宮判身命上第不皆顯野禪不難
聖哲其傳不傳一一待人定子才如錦屏華勝兼實勝
子治毋涇蘄實稱斯名稱疲昨善招徠荒校亟游泳感
孚及上下疇不係思敬求師歸有餘焉用諏不佞梁谿
水添波秦阪山蹙磴喜心爲捧檄畏心爲題乘居官稟
初程爲文戒漫興異時隴雁翔寄書告循行

戴大尹聽鶯圖

春酒一童傾春枝喚乳鶯側身引清聽抗手作遐征交
讓誰家樹高遷此後情華亭秋大好相望鶴孤鳴

送汪曉山試令江蘇

越公有支裔僑業介周浦於我唳鶴沙烟樹接衡宇稍
通紀羣交未結向禽伍負笈子有常乘輅我誰與子今
齒三十人海仰廬旅握手纔十旬去打放衙鼓不由入
貲除不由勘書敘昨朝署科貢茲日號明府科貢程自
紛選拔典斯鉅身言暨書判件件繫釐數數百人一見
十二年一舉寧缺毋濫逾拔十終得五子才信無媿銳
穎脫囊處廷試旋褒然引對荷腰組一行赴江蘇百里
待推補江蘇開兩藩八郡界江滸不知子所莅何堂復
何廡繁華六代都積儲三吳賈農宜計畝徵吏或具文
舞貞爲義俠鄉淫卽烟花部其在黃流衝作父亟徐土

雲帆殷轉輪月隄慎防禦采風辨失得大可隸詩譜
翠華方五巡千板備欄駁行慶厠賢能恩言廣錫予我
將爲子期我竊聽人語長官仁且廉萬室富機杼邨無
吠夜厖境有渡河虎板輿安穩來笑認水田牯距家十
數程遊學況其所仕宦不出鄉陳義自前古民俗務周
知物情任詳抒後來格令嚴俾與井閭阻一籤探一缺
隨分飫甘苦肩間映黃氣餘撥潞河觴先寧堂上親次
揖學中侶新安好山水曾不限邊圉昌亭老者舊曾不
廢轉俎花陋河陽潘麥肖中牟魯蹋歌爲送行金風熟
禾黍

閔貞奉饌圖

狸首斑斕歲月徂蒼顏隳髮盡

卽忍切

追摹影堂一晌朦

朧夢能使孤兒淚點枯

高堂色笑兩茫茫翁嫗相逢自路旁貌入取三臺在雙
頰不須重覓少翁方

穉孫穉妾跡團圓家慶全憑書裏看莫把猪肝矜卻饋
似將羊棗勒加餐

王脩罷社一年年風絮蘆花誼並傳多少長安遊宦子
東風麥飯冷荒阡

約軒同年視學山左時秋林講易圖

五經皆紛綸詩書了讀頌於易利用講不講解折衷攻
本堅有節制繭密無縫言言挾天心先後資參綜代傳
自子木九師聚一哄往往窮象占百姓觀日用而何冢
中人坐斥千喙衆呼叱禮堂生顛倒坤元統件係象象
辭意使便循誦清辨信洮洮訊占則夢夢採蒐入正義
一字罔移動請看燭與槃詎補義娥皇夫君受世學編
韋供清供焚香直講筵盡識從臣從持節來二東門
徒稟裁礪華華楊孟流行飽大官俸披緇風倍和研朱
歸猶重兩郎偕過庭衿衣涼蚤送秋樹葉亂飛秋水波
始弄泉源七十二隨地散鴻洞易道諒如斯莫守醯雞

獲漢學茲未亡蜀才今不中我經瞿上墳考辨隱含痛

爲拜賣香翁程吳見伯仲

蜀雙流縣有商瞿墓予嘗爲之辨宋時賣香薛翁富順縣

人嘗爲之祠程子讀易臺在涪州吳祀點易洞在樂山縣

寡過假天年何事敢輕縱

此圖瀟河洛聰聰豁愚蠢無妨受以蒙豈必取諸訟高

明在尊聞如飢得飧養名士亭竝傳聖人居與其他時

奏易注祖業泝成鳳

用虞翻

羅浮山圖

海外蓬萊股飛來翠幾重鐵橋懸絕頂石室闕靈蹤離

合三千歲眞明四百峯無因嶺南住踟躕遍繡芙蓉

抗手入華臺羣峯主客陪命分衡嶽佐脈引塞門迴蒼

潤巖蒸乳飛揚瀑捲雪覓迷花畔路翠羽啁啾梅
大小石樓陰琪花一逕深日華懸半夜雨氣混雙岑
嶂高低影迴谿遠近音龍堂何處所險絕畏登臨
亦有東樵號毛公蹟尚存觀星聯女宿紀史考龍門竹
葉分符祕菖蒲服散尊不知丹竈火千載爲誰溫
太古無南雪瑤華四處春茶庵容酌水藥市迴離塵洞
底埋金簡雲中禮玉晨開門看虎跡言未啞居人
五色翺神雀迎人見最稀復傳仙螭蘭新化葛洪衣乘
騎遊須到開圖願尚違夢回生羽翼同覓舊山歸

藉山讀書圖

少林同年於漢陽縣廨之東爲閣曰藉山以
其家故有是閣也旣命工爲圖索題廿韻

言別今七春攜手齒交粲寒溫敘數語圖卷忽堆案
君著作才出宰山水縣流風仰屈宋循行冠江漢漢水
歸大江其日肆澎湃萬國限東津一城鎮西岸地緣脂
膏潤事倚咄嗟辦適當冠蓋術遂使誦弦嫚晴川映芳
草何處飽奇觀縣齋枕鳳樓後圃蔚蒼蒼藟茅構小閣
得計若鼇食廳收二別雲戶曳九江練每逢案牘閑琴
燭集嘉譙客至尊共開客去帙仍散爲憶八寶田敝廬
有遺繕徵名示不忘青箱起遐羨君今報政成五馬待

迴旋破軸行自隨新營去猶戀徑拓陶潛三書闕袁豹
半彷彿響淵淵題襟播郊甸

蘋果

嘉果偏如薤團團一手盈綠翻鸚羽嫩紅綻佛脣瑩絲
絮包旋爛銀刀割獨輕林檎應作婢長占阿婆名

舊借西天種平移北地強松州通間道錦里畧分嘗輒
膩仍相似芬鮮太不常眼明燕薤產懷袖捧郎當成都
是果

自松潘
包致

名家詩後雜題

少年斑管俊登壇入道裝成夢竟單多少恨情如沈炯

通天臺下路漫漫

梅邨祭酒

東閣延賓迴俊聲憐才誰似額眉生
板橋楊柳淮流月

一片燈船是舊京

芝麓尚書

善舞翩翩數上麗娟平
施脂粉亦天然如何裝點英雄

詰嘯煞人稱蜀道篇

歸愚別裁集以精華錄惟蜀道最工殆非篤論

漁洋尚書

霓裳曲斷疊端開
終古文人誤恃才
諧調談龍書數卷

那能心折阮翁來

節山宮贊

除將北宋配南施
五字長城較出奇
文苑傳兼循吏傳

玉堂傳誦賣船詩

愚山侍讀

白衣宣試白衣還
嶽色河聲覓句閒
爲是鄉先生故字

王官谷裏夢追尋

蓮洋
茂才

壯游烏府老烏臺長短三千待別裁苦事髯公作手驚

施王真拜下風來

初白
編修

老屋荒江晚遇難

恩波百倍石湖寬平生慣序三

都手誤被狂徒索士安

歸愚
尚書

碩輿封翁所種菊臘月吐一花黃而特大

倚醴酬佳興行年紀乞漿花傳高士節根託禦兒鄉萬

朵攸叢放孤蕤斂蒂藏伴梅舒待臘異葦折經霜籬畔

天風緊簷前緼火忙漫求多滿把紛詫大逾常金彩虛

生白檀心爛吐黃候非訛小正德本旺中央欲贈無元

亮同看有孟光沈吟思往事嘯傲付新章得氣真嫌晚
占時特告祥悠然開笑口曼壽似南陽

白華前稿卷第五十五

南涯

吳省欽

恒之

古今體詩朝

天集二

屠維大淵獻

穀壇侍班恭紀

多年使轍曠朝班
盥面催燈夕漏潺
松檜無風涼墮雪
殿庭如水聳成山
政垂六府齋宮恪
禮撰元辰法從
嫺載仰壇門符四
德乾心日日凜民
艱

耜心帶經荷鋤圖

正面貌

入下

讀書側而貌荷鋤而我敦夙好難得兼熊

魚別君五六載面貌去當非初作圖寄我題開卷如可
呼其下盈碧苔其上覆青梧鉤簾安茗椀與古心相於
忽焉棄書去一笠風疎疎繩橋枕曲岸陌柳垂隱居遙
遙訊東皋農圃豈不如卽事脫塵鞅何必遊華胥我衰
廢百讀菱藕思同租閉門亟循省歸夢縈江湖

陶然亭杏花

梅花抱冬心桃李獻春色老我江南春一暄一岑寂長
安花市梅出窖僅盈尺著地凍且僵何處探消息杏花
花其間壓倒衆芳國疎自介微紅嫣然謝雕飾雖爭禮
豔姿頗企孤高蹟孤亭近窯廠車馬歸路驛茸裘問花

信此事恐難得好花解人意萬夢破的的妙香淡復濃
新葉斂將坼黃蜂采未嘗紫燕穿未卽居然第一風留
竚曲江客花開客自賞客去夢何極莫教一雨沈泥沙
委狼藉江店定何如人家作去寒食

劍亭前輩聽泉圖

春鳥不聞鳴春人不見行一山松竹響併作亂泉聲
數甌冷沁舌本一掬清涵掌文智者沖然謂智聞矣聞
如有聞

晴溜涓涓赴壑忙似催仙樂和官商縱然掩盡幽人耳
祇恐風泉遶夢長

張東海草書陶公勸農詩

南安太守東吳精錦袍載筆遨頭行籍除奸人毀淫祀
春風萬戶吹刀耕山郭烟雲落尊酒酒香模糊染眼肘
農夫野宿婦宵征彭澤新詩滿人口聞公作詩不及作
書好宜與黃門給章草今知作郡不減作書勤遺祠橫
浦名峻岫後來亦有南安守陳子文飛鳥驚蛇擅能手
何似家雞溯二張湘管如椽字如斗高堂素壁風雷驅
天門龍跳心魂虛出門徑欲荷鋤去投筆一架成墨豬
御試山夜聞鐘得張字

衆籟依山靜初鐘繞夜長疎寮洞隱隱猛虎奮嗥嗥百

八聲相應三千界未央報霜沈別澗繚月殷虛廊風竹
兼蕭颯濤松間抑揚間根紛欲斷道氣鎮難忘自聽咳
磬夏寧論手筆張潮音宏一振傾耳僚天閣

試差

觀對恭紀

流虹節近詔賓興爲恐冬烘物議騰及第出身人聽試
彌封揭曉帝咨承弟兄名姓叨榮問詞賦聲

華任濫稱十七年來三第一不才浹背汗如冰試差以四書題

二詩一壬午前皆分一二三等引見乙酉戊子引
見傳試其後雖試而不發名單是時省欽單列第一

約軒招集有椒山館

不放叢殘芍藥天朝來補作送春筵宜南坊底橫街道

只似清香書戟邊

平泉池館賸枯潭
手采松枝佐夜談
忽颺一苞紅雪影
令人過馬憶川南

何必梁州意外聲
出牆絲管應琵琶
荷衣坐聽翩翩好
也把櫻桃賺乳鶯

水流雲在兩無猜
隨分琴壺醉一回
分付山童重檢校
月明還有故人來

曉過懷柔

紅螺紅末了曙景
郭門偏軋石車妨
睡停郊突冒烟似
聞葭轉律能使黍
生田涼殿先遶起
冷風故灑然

密雲

輦路平於砥香塵湧白檀重城山氣夏一廟瀆靈安麥
隴肩爭擔櫻廚手罷搏野人能道古魏祖破烏丸

九松山下

雞翹轉薰嵐嵐翠潑前路微塵避屬車清灑到邨聚
雖行九松里不見九松樹樹巔明滅影翩下一行鷺平
田把犁叟古堦吹角戍頌言龍有靈賜雨愜游豫
奉香禮益虔請命食本裕不無頓置煩秋稅免無數前
朝邊守地何乃介陵墓詰朝重回首怏然出關去

石匣

平開石匣鑿金城非府非州且宿兵邊鎮舊移軍帥駐
莊田久付子孫耕山連元菟圖須準地控烏桓界不爭
陬溼梯航今一統迴瞻北斗是神京

楊令公廟祀宋雁門北口守將楊業

太原死寇徠降將策馬雲中敗契丹赴敵雁門知不利
援軍谷口聽偏謾衣冠優戲紹青簡香火神威到白檀
廟食孤忠酬絕粒誓師何必此登壇

古北口

邊牆非牆是山骨因山築牆趁巔突薊鎮諸藩星宿羅
此去遼元舊宮闕大都上都都會雄襟帶咽喉路如髮

南朝交聘事猶可，僅博子由一詩碣。連雲棧道畧比方，
黍谷陽和氣嘗闕。名傳留幹影模糊，衛近朵顏境超越。
臣心不二士熊羆，師武山來駐旌鉞。我循芹菜嶺邊行，
遙指關門大旗揭。澗瀨伏見衣履蹤，屋角拚翻制鷁鷺。
滿厓墮葉滑馬蹄，夾磴孤棱礙車軌。潮河無潮河勢高，
動地轟虺撼渠塌。腐儒建議置釘椿，長鐵連江笑搪揆。
聖朝恃德不恃險，東極日竈西月蝕。年年清暑經

玉鑾內廡無煩儆，銜檠千羣考牧水草蕃。萬帳行枚山
林伐三邊九邊舊區處，近在城隍與關閭。置縣分明隸
廣喇歸源，依約宗橫渤。今宵對醖發浩歌，角聲悄落關

山月

黃土坎

滑滑青石梁蓬蓬黃土坎梁以高莫扳坎以深不掩高
深無一可豈抱天地憾昨發南天門兩腳盲重隄舍車
事徒行局促萬蹄斂低頭見烟花酒旆稍搖颺古柳撐
半腔新槐聳幾點短山復長山菴影毳如葵有塵尚可
霑有雨不可浣始信棧行難前遊睡聞魘

灤平

濡水新開縣遼時儼作京競傳流九曲豈藉築三城布
施輕紅教巡邏間綠營詰朝收帳舍飽噉蕨藜羹

僧帽峯

塞山有磬極形肖斲天匠微名自酈注怪偉極心向茲
峯先我迎特立無輩行其旁立如壁其上覆如盎突爲
斗檢封覆作錦步障亭童華蓋形兀昇秃鬣狀而以僧
帽稱毋乃近騰謗支峯千里來起伏駭積浪誰能冠其
巔爲闕光明藏絮雲來蓬蓬與帽不相妨不檐復不綏
舉帷手交抗嵐氣盡初沈依稀梵僧唱

釋奠侍班恭紀

塞垣地重邁三廳清夏年年 踞蹕停郡縣規模聯綺
繡膠庠氣象動樞星新營殿廡咨先甲特肆牲醪視上

丁始立廟宜崇釋奠日華雲爛滿郊垌

籩豆司存勅太嘗海榴紅影上宮牆占時恰應文明候
習禮先求講肄場德到無名人仰聖位行有素代尊王
邊陲下士如鄒魯濟濟還升侑舞行

夙駕踟踟候禁鐘平開山霧

御香濃

天逢行

左施周幔人爲從公詠辭離令較舍萌心鄭重典同釋
幣象雍容連宵喜送清塵雨旭旦分明護 袞龍

五輓進直小盤桓

升筆平疏一講官

滿講官德昌先於紅木處派侍

是班省欽山漢講官特派越待漏七程榮立鹄自京七
數日拜侍講學士之命
河每農部院堂上官講官致齋二日儼陪縵綵衣執事
候駕出宮始各就道

徵溫格

凡行在遇大禮止皆服蟒

膳肉交神拜寵歡學比成均

莊靜寄儒臣

躬待遇尤難

望喀喇河屯不得渡

曉發德滙門陰雨幸未追跨馬思渡河焉得渡輪軼渡
船三四隻一渡百十輩待渡萬千人沿河數里外夏日
雖甚長翹足苦難待牽馬回斷厓飲馬解轡帶馬亦畏
河聲枯吻慘流沫是時雨亦來登車縮面背將車還繫
馬白點變盲晦作虐助伊遜何處求破解沈縣五月寒
滋恐水添派河關不可梁船多尚可載定有濟川材展
籌足清快

次牛欄山

萬花臺外雨痕殘
出口人歸袂漸單
一片白河吞亂水
又垂馬轡住牛欄

聞

命典浙江試恭紀

督亢陂外五乘輅
此去東南意久要
借頂夜升滄海日
胥山秋挂曲江潮
聯翩恩勝程才慎
游豫宸襟望幸遙
擬叩九闔省邱壘
風前雙鬢感蕭騷

白溝

拒馬溶溶一綫浮
燕雲十六舊鴻溝
石郎願約長尊父
宋社將移適啓讐
夷漢殘生疲戰伐
賓僚陰計快歌游

我來細領滄洲趣葭葦連雲且放舟

趙北口

燕南垂趙北際中間不合大如礪八公子系何代無出
穀神倉如白帝高塘百丈樓觀飛誰把劫灰認前世三
關綴屬邊塞同大雄小雄山靄融十三橋頭放船去九
十九淀波環通鷓鴣鷓鴣翼相逐紫葍白蘋采盈掬惟
有葳蕤紅蓼花當時譜入何郎曲曲曲長曲短羌笛哀北
門鎖鑰需將材夏秋狂潦冬澤涸限戎馬足何有哉隔
隄濛濛散烟井欲卸馱裝乞漁翁險隘新從古北歸蕭
疎似對江南景

毛公里

啓子詩教遠東魯數毛亨直行孫卿緒遙傳趙國英羣

言歸詒訓故里斷宗祊轉恐訛屯氏須看序錄名

明統志河

問屯河一名毛氏河蓋不審
漢志屯氏河之譌毛氏河也

河間道中

河徙名猶在分并郡國光數錢歌姪女獻樂表賢王近
輔雖衝要連年及阜康高低不黍滿絕勝水雲鄉

董子祠

賈生起洛陽頗嘽絳灌意識禮師叔孫事事近羹沸痛
哭陳治安聖朝固不諱鄭重傅長沙庶可免招已愛子

尚封移師臣豈樵悴帝將老其材鬱死甚無謂董生醇
乎醇樸學在經義貫穿賣餅言賢良冠策對不愧聖人
門道重出辭氣承命相騎王艱虞較十倍泰然行所知
心跡亦精粹洋洋繁露書不比術家綴兩賢雖竝提鄙
見輒持議頃行廣川鄉荒祠下拜謁奠玉杯已虛下緇
帷仍敝功利俗所趨蓋亦尊道誼徘徊松柏間回鞭溼
寒翠

蘇祿國王墓

明永樂間來
朝歸卒勅葬

阜纓蓬鬆指石崎溘先中露軫恩私撈鰈釀蔗重洋路
斷獸攢荆幾尺碑功衍一朝班八館力勤三保鄭和初
名三保

諭諸夷祇憐孺子王蒙葬不及蕃臣與帝師

平原題曼倩象

斗大蟠桃實三回飽歲星如何厭仙界執戟老彤庭
當年二十二待詔金馬門縱然娶宛若著相如禪
滑稽師淳于柳下亦同調面數賣珠兒先生有直道
漫仕甘易農可去亦可就本是平原人我來買絲繡

望岱

人身小天地天地猶夫人四瀆猶四支五嶽官則均衡
藹若恒華秩祀繇億春儒官辨方向各說詞斷斷惟有
東岱名如斗標北辰陽陰判齊魯孰敢誣其真其祖爲

天帝其神爲府君伯夷典三禮二月俞東巡羣侯會時
事玉帛祿侁侁此焉發政令明堂儒所云云何七二家
集議爭糾紛輝煌斷玉簡籙靡淮蒲輪登封答天貺作
脩由羸秦求仙仙不至悵望濛烟雲大東連小東杼杵
空勞筋有德有是福

皇謨追典墳名亭四十里旬

雨先清塵蠹天指三觀拔地升兩門仙禽元白羽仙草
金銀根雖然夜籤半九日紅鮮新日升雲忽起膚寸颺
絲繡崇朝遍天下霖雨施無垠以此長諸獄立宗顯大
鈞無邊白濟決未了青綢繡恨無奮飛術扶杖躬弗親
願爲奉香使高步翔天閭

祖徠

白雲堆幾頃雲外是高松松影風吹汝連雲青萬重我
求逸民迹不向竹谿逢借問躬耕者何如守道蹤

蒙陰

連朝排嶽影送客度蒙陰牛飯松濤緩蟬鳴柳蔭深系
風神有主小魯聖無心待識東山面徘徊夕磬沈

鄉子祠

雲鳥蒼茫外荒祠且卸鞍小侯光述祖古帝廣分官魯
甸民風近徐方海氣漫無多傾蓋語惆悵暮林端

紅花埠

綠楊邨郭綠秧田小別江南十七年等是雙蹄塵窖底
紅花一路夢如烟

經訓乃菑畚得鋤字

經義宏垂訓菑田漸化畚及時看鴈乃舍業戒荒於雪
隴寒遷策風牀暑挂鋤密披行隱隱深波綆徐徐稗說
芟同盡薪傳守不虛熟來從百徧用去足三餘伊古耕
兼學其徒種在書 盛朝崇實行考藝待何如

桂竹雙清白描圖照

歲陰書亥斗向酉重關四闢徠之江恪恭佐事月餘日
桂華窅窅當我牕人忙挂落挂應笑不遇知己音空磴

天香滿輪鎖不住飄出南院霏翺撞是時公節旆移駐
畫簾如水排蘭茝晦堂妙諦在無隱急召畫史毫枯雙
掉頭踞坐桂之下如來金粟顏豐麗何來翠袖鬪清癯
弄瑣碎影臨波淙茸淙淺草罨花磴涓涓細溜歸魚在
我思王猷性愛竹吳質倚桂眠枯椿兩家分占計差得
併入一案疑煩哢又聞廬山桂竹入三咏樂天含諷申
吟腔是誰雅興託靈隱月中雲外鐘聲撞雲栖夾經染
濃淥渭川千畝心同降埽除秋葉候行頓峯影交跼蓮
花躑經營勿亟指揮定攸好整暇無驚懼茲國妙得鐵
線法肖公筆力千鈞扛無忘嘉樹義斯在況有眞面留

高麗淮洲隱心寄寒峻淇澳感德迴思慈詩成一粲渺
含睇拍案大叫呼糟缸

似省先墓宿唐丈誦耘處

鹿鳴筵罷醉離披插遍茱萸鬢改絲東浦非遙忙覓路
西湖雖好懶尋詩三千里外裝舟遠十八年間拜隴遲
如此遭逢偏老瘵爲銜 君父感恩私

粵黔楚蜀驟駸駸奉使常懸靡及心江上青楓孤驛便
夢邊黃菊故園深還鄉富貴情多鄙告墓文章涕不禁
五日光陰雖草草 九重天假慰沈吟

贊幣焚香禮數頻特承光寵轉酸辛推牛早負雞豚志

攀樹還驚草木身業在誦耘看老輩事惟忠孝勸比鄰
河山涉歷冰霜緊留向同朝話百巡

周蓮灣機舟牖港出東藩尊甫癸亥寫真時予
侍先子館其家親見渲染相距三十七年矣
輒題其後

我生十二三隨館若隨宦灣洲洲一灣水石遶清盼梅
條春過牆荷英夏舒辦訂交溯陳紀舉義薄何晏是時
衣未勝單布畧掩忤同學諸少年見笑等尺鷃此翁謂
我翁亢宗待倚辦割我有片瓠啖我有團規剪髻侍其
旁往往獲請問奄忽歸道山世事飽憂患我翁見背餘

誰復閔親串今茲擁傳歸令子理羔雁握手歡平生暮
艇泊葭葦遠巡出錦彈觸手痕未綻悠悠三紀來爪跡
感汗漫庶修永好期毋受貽辱訕丙舍守墓田既往吾
可諫相對增慨慷華顏異童叟

秋塘聞予還都走索家信翼日而致

我從故鄉至攜爾故鄉書爾已來荒邱書猶滯後車愴
然揮手後溘爾蛻形初作別無三日傷心飯舍虛

歐血文人慣膏肓未受磨艱虞緣失第放誕看成魔蜀
棧連雲合吳江落葉多一棺隨佛火鬼唱定如何

上章困敦

徐大尹循陔奉母圖

風泛崇蘭曲逕新
都籃蒲采及芳春
知君備戒高堂養
不是空山劬藥人

曾挈奚囊出塞歸
天山苜宿種初肥
好將滿架珊瑚筆
譜得笙詩續廣微

聖駕五巡江浙恭紀

四言排律一百六十韻謹序

臣惟古歲舉巡禮祇以考同典物迪察民隱故虞書指
數方岳標準肆觀周頌時邁般乃始及河河之委不經
禹揚州之域又其時未閱遷徙曰懷柔曰翕云者極其
感而形容之非果有滌源宅隩之功與禹校絜也今之

河受淮入海隸在江省而浙之海寧州潮沙吞齧柴塘
石塘繫數州縣田廬生聚甚鉅

皇上勤恫民旅越乾隆十六年二十二年二十七年三
十年仰紹 前寧設巡南甸一再三四紆 授機

畧俾奏乂晏積今又十餘年河溢儀封考城間其下游
千餘里淮安之陶莊鑿有引河澹菑出沈嚮未

臨度至海寧塘工之良窳沙汎之漲落 大智當行

所無事焉矧歲豐屢告民氣悅樂 仁壽之域是閔

延跋之籲益摯

天子俞鑒忱悃以四十有五年祈年禮成之日省衛啓

行不十三旬而旋暉丁銀漕鹽諸賦若獨若貸動以百
數十萬計宥胥育才制漕級爵行慶施惠具軼初禮聲
其懽者若雷老鹽倉海塘新石相屬者改石障薪重關
載輦若陶莊蓮雲梯關濬淺培庫會上游漫工神應躬
禱如期塞治夫時邁般於體爲頌頌者四詩之一凡詩
準四言原祇遇 再巡奏詩通籍二紀於茲矣伏睹
上儀竊忘弁固爲今律詩四言而韻汁諸古拜手稽首
獻焉其詞曰

皇巡自南斯今次五運斗效

天輯玉纘

祀洽仁必世展義大宇庚籥序開

辛壇禮舉遂

循唐剎直指吳渚吏民願詹示若受祿青旗出震朱輅
旋午要會月旬順度齊魯陟喬對時遊阿緝嘏叶行澤

若春嚮泊維雨是邦言邁有位式序斗牛之分三千里

紆乙酉以還十六年久叶科頒特勝漕貸正庾鼓篋滿

家擊壤北戶克知宅俊丕感冒怙元正啓閭尚方列醕

鳳銜言絲鵞奏樂呂虹電及期華赫如許和光燕溫祥

景揚詡典曠歲祥望順物覩胥政而僎式沫且煦喁喁

慕思熙熙含鼓如日之初於天之下叶惟淮海州曰食

貨藪叶益二源饒登三利溥土性塗泥川德沃潏月新

必當歲陳是取爾宅爾田我方我社

叶

瑞年各穗嘉蔬

同稽區豆埒筴畦菜雅芥冰齒別名木棉合譜千耦求

倉九機答杼卽有恒農室無嬾婦

叶

列隧帶商廣津達

估局織火蠶關樞鹽虎牧負薪蘇漁提戩畧前消後瀛

懸沃伏漑荒薈雜林迢遞平楚穉筍束園女茶鬪塢翳

苗誘雉撫松飯估細柳隱隄繁花耀嶼泳翔聳孔孳息

鰕乳百材競登九穀咸貯巷靖吠厖庭間訟鼠候亭短

長趁墟散聚秀結方瀛勝備嵩汝仙帆幾面神山左股

湖湧金圍峯浮玉豎總持拾宅凡夫結壘妙嚴拘廬端

正窳堵洞壑清怡天喬蕃廡梅影杙邀茗香鑪煮時哉

孔歎薰兮虞拊川岳地靈日月光煦迺豫迺遊爰咨爰
茹金穰忻告土功篤敘湯湯黃流森森碧澈灌川積健
宗海納虛叶竹箭波隨桃花水助叶三門滔滔九曲衙
衙豫域平吞宋郊退俯蟻穴失防鯢壑輸叶颶動宵
肝俾遣勦輔壁沈幽宮潛發少府萬雲擁牖九寢殷杵
醴渠投牝下健合壯圖終必集循始更勞議紛衆謀機
斷 聖武增培準讓排決師禹靈祠颺旗彌艫進舫
于徐之方于河之潯 帝庸致祈神罔時踰道錯支
分隄沿鱗苴瀾倒颿迴漲遷沙阻上游就下新決復故
叶奠我毫郊軌茲淮浦汨來雲梯霍若雷奔遂移丈溜

不喻分晷

叶

引清屏濁卽規示矩陶莊底續夏甸答祐

湖山有美海潮通怒歎飲洲嶠汗漫城野

叶

狀翻鷺縵

響撼鼉柱赭龕拱臂尖塔翊脅中聲遽乘外郭莫禦華

椽勤拳婆留憂癩斛土量錢樓濤敵弩重引千鈞險懸

一縷且右且薪乍迎乍拒

睿策蚤營慈懷倍抒計

襲由旬役興亞旅椿力呈良碑材斥楷貝齒勻排魚鱗

覆挂官無戀私任必貽巨

天高鑒卑時行拱處免免于塙祇祇在縹風遙四駕羣

踵踉蹌頃望六飛民志媚嫵識塗軌馭撰時展瞽爲肄

省觀輒費原補頓宿守程供張理緒閣道稍治宮扉謹

敷旃旒在麾韎韜攸褚夕輟燈書弛棚虞雍雍俞騎
悠悠穆羽庖廚不盈庖舍未腐司存游奕員減從庖柔
桑降鷲多稼趣崔陌鮮停勸隴仍執簾瘡弓伏菽夏駒
歸國烝楫率徒公車命侶猶
訓斷雕戈學豐蔀軍

習于稱士端軒舞泯禁徒間工斤敗寇鯨放澤鯽敗赦
林哺章以締纘飭以簋簠箴以淫奇勗以麗懸亨飾近

奢貞儉遠悔叶舊章是旌來範爰樹誼言秩秩恩政訄

訄奉蹕所繇屬幸匪偶叶園廟升香墓門醞醕租賜三

分逋寬幾部科停耔穀權緩熬園運丁儲戲行甲加黼

廣厲青衿濯磨華組三已攬環五流脫囹圄疇擅賦能或

嫺雅詰第材通籍獻書錄簿鶴髮有髮齡背是偃千里
具來百歲可數陪輦于于戴筐僕僕憲老昔惇引年茲
普清尊伯衢太牢饜俎貞元比屬 樂壽賦與配祿

位名冠上下古道久化成極立靜主有恒揆方無逸作
所庶徵歲省五辰日撫升中典溯益下義剖始焉度候

次則納賈叶疆吏率承輿人誦誥南風凱送南極輝吐

泊南易垂歌南詩首叶行稼禮參訪茨績伍黃神燿錄

蒼宰錫珎五位位合五數數起叶如聲宮舍如味甘咀

如德協信如行旺土嶽峙心稽珠聯指僂藻韻賡頌梧

昔矢屢叶考蹟特書選圖長弄妍賞浹初暇 幾勅愈

堯遊營臺穆駕銘圖肖德懋峒勒猷响嶠潔瀾告榮宴
波奏監嘉頌聯翩耀謠覲護九服敬聽
六狩洪佇

臣記 言動譔獻 當寧

題笛湖泛泖圖

碧雲無際水鱗鱗
窄堵當空少問津
輪與楫頭船上客
者回行采泖湖蘊

楓葉蘆花幾段秋
吟身料理坐生愁
畫師怕惹機心起
不寫沙汀數點鷗

九朵芙蓉翠滴衣
釣竿雙裊四頭肥
願將如水雕輪影
化作江帆一葉飛

湯緯堂江邨秋思圖

露葉泣丹綠難爲秋士心寂寥對孤卷跌宕信長吟時
菊淡標色流泉微寫音誰知簿書長攜輿輒橫琴
十年山水縣人唱使君詩清氣大來後風流無盡時
橫
薪幽逕墮漁網夕陽支安得淩風翰超遙與子期

浣紗曲

人愛邪谿春妾愛邪谿潔本是織縑人又過浣花節
持妾手中紗裁衣被郎體浣紗行浣衣谿水去何已

葛仙米歌

葛仙米大如篆螺細如蝟非花非草非百蔬不葉不根

結成子誰梯仙令山山根碎點霜苔班誰汲仙姑井井
畔勻鋪水華冷洞天清闊雞犬閒滿地綠珠光耿耿纖
葱掇拾春可憐日曝風戾姿更妍羹材入手候文火蟹
眼魚眼澄芳鮮既不苦羶與腥又不類蔬與筍析醅益
壽傳自今藥錄農書按難準我思刀圭服食雅禁方倅
穀那暇堆餘糧擲米爲砂妙遊戲將砂作米欲何爲吾
儕屬饜分一杯且嗅馨香識方味君不見朱明蝴蝶高
下飛有人認取仙家衣

劍亭綠波花霧圖

草未鋪茵柳未絲半甌紅雨浸胭脂前羣挑菜風懷減

孤負桃花水上時

桃根桃葉鎮無緣
錦段韶光也破禪
莫向吳娘歌暮雨
好花今在渡頭船

春愁似水須教去
人面如花較耐看
添得小游仙幾首
風鬟霧鬢不知寒

李約庵明府巴船出峽圖

天英求川人

三江會漢嘉三十幅一轂浩蕩趨夔門
俛受萬山東山高江益倪山泉江益獨翻飛
匹練光天嶺逗青縠羲娥避窮陰太古闕
厓谷推篷仰厓巖毛體變寒綠非無十
二峯大半滅雲族蒼猿哀叫號一叫淚一斛
多情屬雅

雅結陣掠梁肉迎送歸巫閭千里間信宿鯨生飢奇險
架棧出秦蜀行部涉瞿塘小住白鹽龍峒峽舟倒迴鼎
鑪飽難足君家望隴西巴東守遺屋巴江巴字流流水
挂春瀑水去無還期人行有歸躅識君滌絡邊遇君漸
江曲我跡茲未經輸君往且復忠信禦風濤作吏力須
勦資舟必從旱牽舫且就陸感君巴峽圖補我吳船錄
同郡姚秋塘蘭泉徐藩林薌坡才同軀幹短弱
同不祿同遣力歸其喪昇之若飛僉以其靈
迫欲歸云

匆匆絮酒裂帷楹秋霧初開慟汝行近水關廂雙旄冷

戀家魂魄一棺輕命如身短年難假病擬才多宦未成
舊是荒齋話聯榻幾時淺土爲分營

送汪郡丞之官淮上

下竹沈菱事澹舊河隄使者奏需才安流已過桃花水
卻送汪倫佐郡來

甘羅城外柳痕涼飯稻羹魚鼓吹場一路家山接淮浦
免教月底苦思鄉